



# Naturvernforbundet i Møre og Romsdal

Tingvoll, 8.3.2019

Aukra kommune

## FRÅSEGN – SØKNAD FRÅ MÅSØVAL FISKEOPPDRETT AS – LOKALITET ORHOLMAN I AUKRA

Viser til utlagde høyringsdokument.

Vi sender kopi av fråsegna til konsesjonsmynde og utsleppsmynne, då det er uvisst om vår fråsegn sendt til kommunen kjem til dei to instansane av seg sjølv gjennom denne høyringa.

Det går fram av pkt 2 at det ikkje er avklaring når det gjeld arealplan til kommuneplan som er frå 2016. Arealet er avsett til formål bruk og vern av sjø og vassdrag med tilhøyrande strandsone. Det kan ikkje nyttast til akvakulturverksemد utan avklaring og omregulering. Omsøkte område ligg heller ikkje inne i areal som er konsekvensutgreidd i samband med siste rulleringa av arealdelen til kommuneplan.

Generelt har det vore slik at fiskeoppdrett får utvide si verksemد når ein trur det er eit aller minste rom for det. Når det oppstår problem knytt til naturmiljø, er det omtrent umogleg å reversere løyper. Lønsemda til verksemda blir stort sett lagt meir vekt på enn tilhøve knytt til naturmiljø.

Søkjar peikar på at dei bør ha ein lokalitet i produksjonsområde 5. Det er eit ønskje som ikkje kan kome føre omsyn til natur. Ønsket opphever heller ikkje behovet for at omdisponeringar blir konsekvensutgreidd. Tvert om er det viktig at ein har ei vel så grundig sakshandsaming når det er spørsmål om dispensasjon enn når det er ein kommuneplanprosess.

Vi registrerer at det i pkt 6.2.1 ikkje er kryssa av for at det er gjort undersøkingar av det biologiske mangfaldet.

Når det gjeld naturmangfald ser vi at det er gjort ein del undersøkingar for marine artar. For landlevande artar og fugl manglar slike opplysningiar. Sjøfugl er ei artsgruppe som har ein del representantar på raudlista. For mange av desse gjeld at det er ein tilbakegang som ikkje nødvendigvis er forstått – ein veit ikkje kva påverkingsformar som er viktige eller uvesentlege. Vi meiner dette prosjektet ikkje kan gjennomførast før ein har innhenta kunnskap om fuglane sin bruk

Naturvernforbundet i Møre og Romsdal  
v/Øystein Folden, Rasta 4, 6630 TINGVOLL

Telefon 918 12 542 – epost [moreogromsdal@naturvernforbundet.no](mailto:moreogromsdal@naturvernforbundet.no) – internett  
[www.naturvernforbundet.no/mr](http://www.naturvernforbundet.no/mr)

av eit område kring denne lokaliteten som er omsøkt.

Både på ein del av holmane i området og på Småge litt nord for lokaliteten er det aktiv drift av kystlynghei i form av beiting og sviing. I tillegg til at kystlynghei er ein utvald naturtype som i stor grad er knytt til landskap og vegetasjon, ser vi for oss at denne typen landskapspleie har ein verknad for fuglelivet i området. Sidan skjøtta kystlynghei er ganske sjeldan, meiner vi det er viktig at det blir gjort slike fugleundersøkingar. Sidan fugl har sesongmessig variasjon når det gjeld bruk av område, er det nødvendig å gjere slike undersøkingar over lengre tid.

Vi har grunn til å tru at kunnskapen om makrellterne i dette området er svært mangefull. Det er ein vanskeleg art å registrere og som vi manglar kunnskap om, i tillegg til at arten er sterkt truga.

Oter er ein art som kan vere viktig, sidan det ser ut til å vere ein samanheng der sterkt oterbestand gjer sitt til at mink får dårlegare vilkår, og mindre med mink har ein positiv verknad på ein del av sjøfuglartane, som makrellterne.

Med opne anlegg vil både fiskefør og eventuell medisinbruk påverke fisk og organismar utanfor anlegget. Det er difor nødvendig med ein god kunnskap om dei naturlege fiskebestandane på staden. Så langt vi har kjennskap til har Aukra ein mangefull status på dette temaet. Når det gjeld gyteområde og fiskefelt har arealdisponeringar sjølv sagt noko å seie for slike, og for fiskeriverksem. I tillegg er også dette ein del av økosystemet som påverkar sjøfuglane. Tilgang til dei rette fiskeartane kan vere av gjerande.

Vi reagerer elles på at avstanden til andre anlegg og til elv med sjøaure blir liten. Dette aukar risikoen for sjukdom og press på naturlege artar. Dette er feil utvikling.

Det er eit dårleg prosjekt i alle fall å legge ein oppdrettslokalitet i dette området. Under alle omstende må ein innhente betydeleg med kunnskap om det biologiske mangfaldet i området før det er ein sak som kan handsamast.

Med vennleg helsing

Øystein Folden  
leiar i Naturvernforbundet i Møre og Romsdal

Kopi:  
Møre og Romsdal fylkeskommune  
Fylkesmannen i Møre og Romsdal